



KENYATAAN MEDIA PELANCARAN PROGRAM SEMARAK PERPADUAN

13 Mac 2023, SHAH ALAM – Menteri Perpaduan Negara, YB Datuk Aaron Ago Dagang telah hadir melancarkan Program Semarak Perpaduan di Pusat Transformasi Bandar (UTC) Selangor, Anggerik Mall, Shah Alam pada hari ini. Program Semarak Perpaduan ini merupakan salah satu kluster program di bawah Kembara Perpaduan Malaysia MADANI yang berkonsepkan Perpaduan Dalam Kepelbagaian.

2. Menurut YB Menteri, penganjuran program ini adalah bertujuan untuk memperluas tapak integrasi sosial di samping mempertingkatkan jalinan muhibbah dalam kalangan masyarakat berbilang kaum, agama dan budaya. Program ini turut berpotensi menyebarkan kefahaman dan menyemai sikap toleransi khususnya dalam mencapai aspirasi Malaysia MADANI.

3. Program Semarak Perpaduan ini telah diatur dengan beberapa pengisian utama seperti:

i. Panel *Moment of Unity*

Pameran panel yang memaparkan detik-detik perpaduan serta kepelbagaian adat dan budaya masyarakat berbilang kaum di Malaysia.

ii. Pameran Rumah KAMI

Pameran yang menawarkan maklumat berkaitan pakaian, makanan dan sukan rakyat pelbagai etnik termasuklah masyarakat Melayu, Cina, India, Sabah dan Sarawak.

iii. *Unity Townhall*

Bual bicara bersama Selebriti Perpaduan.

iv. Aktiviti Sukan Rakyat

Permainan tradisional seperti congkak, karom, dam aji dan pertandingan gusti lengan.

v. Pameran Agensi

- a. Jabatan Muzium Malaysia – Pameran dan Reka Cipta Muzium, Kuiz Perpaduan
- b. Perpustakaan Negara Malaysia – Pameran dan Kuiz U-Pustaka

4. “Saya berharap program seumpama ini dapat memberi manfaat kepada semua lapisan masyarakat untuk saling mengenali, memahami dan menghormati keunikan setiap etnik di Malaysia. Besarlah harapan saya agar program-program yang dianjurkan oleh Kementerian ini dapat didengar, dilihat dan dirasakan oleh rakyat,” jelas Datuk Aaron lagi.

Kementerian Perpaduan Negara

13 Mac 2023

-TAMAT-

Mengenai Kementerian Perpaduan Negara:

Kementerian Perpaduan Negara ditubuhkan pada 10 Mac 2020. Fungsi utama Kementerian Perpaduan Negara adalah untuk memacu agenda perpaduan nasional bagi memastikan kesejahteraan dan keharmonian rakyat Malaysia.

Pertanyaan media

Unit Komunikasi Korporat

Kementerian Perpaduan Negara

Tel: +603 8091 8041 Fax: +603 8888 8568 569

E-mail: pro@perpaduan.gov.my

No rujukan: KPN.UKK.100-15/5/4 Jld 2 (9)